

INUIT ATAQATIGIIT

INATSISARTUNI



20. november 2013

Inatsisartut suleriaasianni § 37 naapertorlugu matumuuna Naalakkersuisunut apeqquteqaateqarpunga:

1. **Aatsitassarsiornerup iluani akileraarusersuinermut ilusiliat pillugit Naalakkersuisunut siunnersuisartussanik nunanit tamalaaneersunit immikkut ittumik ilisimasalinnik Naalakkersuisut pilersitsiniaratik nalunaarnikuugaluarlutik taamaattoq suleqatigiissitaliuinnarsimanerpat?**
2. **Taamaassimappat: suleqatigiissitat qanga pilersinneqarpat kikkullu ilaasortanngortinneqarsimappat? Taamaassimanngippat: immikkut ittumik ilisimasalinnik suleqatigiissitanik pilersitsisoqassanngitsoq Naalakkersuisut suli isumaqarpat, soorlu siusinnerusukkut paragraf 37 naapertorlugu apeqquteqaatinut akissuteqaatigineqartartutigut tamanna ilisimatitsissutigineqartartoq?**

(Inatsisartunut ilaasortaq Naaja H. Nathanielsen)

Tunngavilersuut

Aatsitassarsiornermi Aningaasaateqarfiup isertitaannut (immikkoortoq 85/UKA13) paasinninnermut atatillugu oqallinnermi partiit Naalakkersuisuutaqartut aappaat uissumminartumik oqaaseqarpoq.

Qinersineq sioqqullugu Naalakkersuisut siuliisa pilersinniagaat immikkut ittumik ilisimasalinnik suleqatigiissitat Atassut sinnerlugu oqaaseqartartup saqqummiussamini oqaaseqarfingai. Aatsitassanut akileraarusersuinermut tunngasunik ingerlaavartumik siunnersuisarnissaq immikkut ittumik ilisimasalinnik suleqatigiissitat siunertarisussaavaat. Oqaaseqartartup saqqummiussaani Atassut kaammattuivoq immikkut ittumik ilisimasalinnik suleqatigiissitat akileraarusersuinermut tunngassuteqartunik taamaallaat sammisaqassanngitsut, aammattaarli aatsitassarsiortitsinikkut suliffissuaqarfiit inatsisitigut tunngaviinik pitsangorsaanerit sammisassagaat.

Immikkut ittumik ilisimasalinnik suleqatigiissitat suleriaqqinnissaannut tunngassuteqarplartunik Inuit Ataqatigiit qinersinerup kingorna § 37 naapertorlugu apeqquteqaasiortarnermikkut apersutigisarsimavaat¹. Suleqatigiissitat naleqquttuunnginnerarlugit taamaattumillu pilersinniarnagit Naalakkersuisut ilisimatitsissuteqartarput. Taamaammat tupigusuutigaarput Naalakkersuisooqatigiit arlaat tamatumingga ilisimasaqangimmat imaluunniit siunissami tunisassiornermi akitsuusiinermut ilusiliaq pillugu sulinerup siumut ingerlanera pillugu ingerlaavartumik ilisimatinneqartarsimannngimmat. Taamaammat isummiuppara immikkut ittumik ilisimasalinnik suleqatigiissitaliorqarsimasoq tamanulli saqqummiunneqarsimangiinnartumik.

Siumungaaq qinnutigissavara apeqquteqaammi apeqqutit tamarmik, ullut qulit suliffiusut qaangiutsinnagit akineqassariissasut.

¹ nr. 25, 55 aamma 84, tamarmik 2013-imeersut